

乾隆杭州府志

杭州府志卷十

學校一

古者膠庠序塾之設所以廣教化也自漢以後郡縣立學
以時廢置杭州設學在宋天聖中見於奏章視唐衢州之
私立廟學爲更著矣方今

詔建辟雍導天下以

右文之化學者尤宜爭自濯磨俾風氣蒸蒸日上焉書院社學
皆黨塾之遺附見簡末

府學

宋 在府治東宋紹興中建 大清一統
志

至聖文宣王廟舊在府治之南子城通越門外有稽古閣宣和

中本路廉訪使降御書殿榜曰大成錢塘仁和學附焉六

經齋十二日經德日進德日炳文日兌習日頤正日賁文

日蒙養日時升日益朋日履信日復古日賓賢建炎以來

遷徙不常紹興元年于凌家橋東以慧安寺故基重建有

六齋日升俊日經德日敦厚日彌新日賁文日富文乾道志

紹興間所徙建卽今址舊浙江通志紹興十二年四月甲申增

修臨安府學爲太學十三年正月癸卯建太學續資治通鑑二

十六年高宗御製孔子暨諸賢像贊刻石太學仍賜刻本

于諸學校自爲序萬歷舊志嘉定九年教授袁肅黃灝請修府

學訪成均規制

咸淳志

理宗時御製道統十三贊刻石于郡

學

舊志

淳祐六年理宗御書大成殿養源堂二扁賜之十一

年安撫趙與憲又一新之且增置學廩養弟子員二百人

咸淳志

紹定四年大尹余天錫增置學田

咸淳志

咸淳七年安

撫潛說友買民地議增闢八年吳益踵成之

咸淳志 高宗臨安府太

學序贊序曰朕自睦鄰息兵首開學校教育多士以遂忠

良邇繼幸太學延見諸生濟濟在庭意甚嘉之因作文宣

王贊機政餘閒歷取顏回而下七十二人亦爲製贊用廣

列聖宗儒右文之聲復知師弟子間纓弁森森覃精釋思

之訓其于治道亦庶幾焉 孔子字仲尼魯人唐開元十

七年謚爲文宣王贊曰大哉先聖斯文在茲帝王之式古

今之師志則春秋道由忠恕賢于堯舜日月其譽惟時載

雍敢此武功肅昭盛儀海宇聿崇 顏回字子淵魯人贈

交國公贊曰德行首科顯冠學徒不遷不貳樂道以居食

埃甚忠在陋自如宜稱賢哉豈止不愚 閔損字子騫魯

人贈費侯贊曰天經地義孝哉闕奮父母弟昆莫間其言
汗君不事志氣軒軒復我汶上出處休焉 冉耕字伯牛
魯人贈鄆侯贊曰德以充性行以澡身二事在躬日躋而
新並聖賢科得顏與鄰不幸斯疾命也莫伸 冉雍字仲
弓魯人贈薛侯贊曰懿德賢行有一則尊子也履之成性
存存駢角有用犁牛莫論刑政之言惠施元元 宰予字
子我魯人贈齊侯贊曰辯以飾詐言以致文苟非執禮宜
莫釋紛朽木糞墻置不足云言語之科睚然有聞 端木
賜字子貢衛人贈黎侯贊曰謙德知二器實瑚璉動必幾
先執並其辯一使存魯五國有變終相其主譽處攸遠
冉求字子有魯人贈徐侯贊曰循良之要在子有政可使
為幸千室百乘師門育才治心扶性退則進之環磨之柄
仲由字子路卞人贈衛侯贊曰升堂惟光千乘惟權陵
暴知非委質可賢折獄有簡結纓禮全惡言不耳仲尼賴
焉 言偃字子游吳人贈吳侯贊曰道義正已文學擅科
為宰武城聊以弦歌割雞之試牛刀謂何前言戲耳博約
則多 卜商字子夏衛人贈衛侯贊曰文學之目名重一
時為君子儒作衛侯師不可後禮始可言詩假蓋小嫌聖
亦不疵 曾參字子輿武城人贈廊伯贊曰夫孝勇道用
訓羣生以綱百行以通神明因子侍師答問成經事親之

實代爲儀刑 公西赤字子華魯人贈部伯贊曰學者行
道敝縕亦稱使齊光華偶爲肥輕周急之言君子所命答
問允嚴理皆先經 公伯寮字子周魯人贈任伯贊曰人
有賢否道有廢興子如命何營營震驚季孫雖惑景伯莫
平師資一言秩祀亦慙 漆雕開字子開魯人贈滕伯贊
曰仕進之道要在究習具臣而居咎欲誰執斯未能信謙
以有立闕里說之多士莫及 南宮适字子容魯人贈鄭
伯贊曰先覺既立簪履並馳尚德君子爾乃兼之羿弄可
慙禹稷可師三復此道載觀自圭 申棖字子績魯人贈
魯伯贊曰剛毅近仁志操莫倫性匪祝鮀面豈子都有一
于此剛名可圖云愆則柔蓋生之徒 原憲字子思魯人
贈原伯贊曰軾彼窮閭達士所寶邦有道穀進退孰倫敝
衣非病無財乃貧賜雖不憚清節照人 有若字子有魯
人贈卞伯贊曰人秉秀德氣貌或同而子儼然温温其容
兩端發問未答機鋒以禮節和斯言可宗 司馬耕字牛
宋人贈向伯贊曰手足甚親志異出處難將爲亂子乃脫
去在汚能潔危而有慮內省若思何憂何懼 顏孫師字
子張陳人贈陳伯贊曰念昔顏孫商德與隣學以干祿訓
以書紳參前倚衡忠信是遵色取行違作戒後人 高柴
字子羔衛人贈共伯贊曰婉彼子羔受業先聖宗廟之問

一出乎正克篤于孝非愚乃令師知其生有輝賢行陳
亢字子禽陳人贈頴伯贊曰惟禽之問從容其鯉求以異
聞詩禮云爾請一得三誠退而喜且知將聖不私其子
樊須字子遲齊人贈樊伯贊曰養才以道聖人兼濟始謂
不仁問鮑良喜寓志農圃似睽仁義學稼之請堂姑舍是
林放字子邱魯人贈清河伯贊曰禮之有本子能登問
大哉斯言光昭明訓德輝泰山誣祭莫奮崇茲祀典益永
令聞公治長字子長齊人贈莒伯贊曰子長宏度高出
倫輩雖在縲絏知其非其罪純德備行夫子所采以子妻之
尤知英槩遂瑗字伯玉衛人贈衛伯贊曰有衛伯玉夫
子與居寡過未能薦贊使乎以屍諫君友則史魚果能進
賢爛然簡書澹臺滅明字子羽武城人贈江伯贊曰惟
子有道天與異容狀雖云惡德則其豐南止江沱學者雲
從取士自茲貌或非公曾點字皙魯人贈宿伯贊曰惟
時義方有子誠孝怡怡聖域俱膺是道暮春舞雩詠歌聖
教師故與之和悅宜召宓不齊字子賤魯人贈單伯贊
曰君子若人單父之政引肘寤君放魚稟令傳郭勿護遂
能致命百代理邑用規觀聽顏無繇字路魯人贈杞伯
贊曰人誰無子爾嗣特奇行爲世範學爲人師請車誠非
顧匪其私千載之下足以示慈至馬施字子期魯人贈

鄧伯贊曰天清日明密雨曷有師命持蓋子亦善扣惟夫子博三才允究學者之樂所得遂茂商瞿字子木魯人贈蒙伯贊曰易之爲書彌綸天地五十乃學師則有是子能授受洙泗傳世知幾其神宜被厥祀公孫龍字子石楚人贈黃伯贊曰黃伯著祀公孫是云彌縫中道協輔斯文藏修方異漸漬其勤史詞不忘播爲清芬廉潔字子庸衛人贈莒父伯贊曰兄弟之邦士有廉庸涵泳素教表揭儒宗杏壇探蹟洙泗從容作典一時莒父其封叔仲會字子期魯人贈瑕邱伯贊曰瑕邱祥邑子期是爲親訓有日廣業于時四教允隆五常以持比肩俊傑聞望斯垂燕伋字思秦人贈漁陽伯贊曰師席高振大成是集至道克傳賢達斯執善教云衺儒風可立漁陽之士得企而及申黨字周魯人贈邵陵伯贊曰旣旣申周四科與儔逸駕文圃鼓柅儒流冠珮旣燕言動允休邵陵得封可想清修琴牢字子開衛人贈南陵伯贊曰多能鄙事聖人曲意惟其知之是以不試宗魯雖友昂必以義尚師嘉言祀亦罔替秦商字子丕楚人贈上洛伯贊曰孔父秦父相尚以力俱生賢嗣相與以德是子致法疇克會弁儒林令名無極黃叔乘字子車齊人贈淳于伯贊曰勉勉子車封邑淳于親炙避席唯諾趨隅發微旣博雅道是

扶抑可尚也不亦美乎顏之僕字叔魯人贈東武伯贊
日賢行顏叔親承尼父志銳所期道遵是輔泥在鈞陶木
就規矩終廉好爵揚名東武公西藏字子魯人贈祝
阿伯贊曰猗爾子上魯邦之望以德則貴惟道是倡師聰
師明友直友諒伯于視阿儒風斯暢石作蜀字子明秦
人贈石邑伯贊曰在昔石邑能知所尊懋依有德克述無
言鼓篋槐市揚名聖門此道久視彼美長存顏高字子
驕魯人贈瑯琊伯贊曰瑯琊之伯其惟子驕徽言旣彰德
音孔昭已觀舞雩同聽齊韶歷千百禩歧想高標邾巽
字子歛魯人贈平陸伯贊曰彼美邾子先聖是承壻似以
及堂陸將升良玉斯琢寒水必冰錫壤平陸茂實斯騰
任不齊字選楚人贈任城伯贊曰任城建伯其表曰選汝
門雅馴才華清遠競辰力行愛日龜兔孔教崇崇令緒顯
顯曹卹字子循蔡人贈曹伯贊曰蕭蕭曹伯王室之裔
積習樂道切磋明義惟善則主爾德是類史筆有煥令名
永祀冉孺字子魯魯人贈紀伯贊曰紀伯子魯聖學是
務厲已斯約好問乃裕周旋中規容止可度允矣昔賢後
世所慕伯虔字子折魯人贈聊伯贊曰有懷子折全魯
之彥儒行既名聊伯乃建競競受道奕奕幾弁懿選嘉訪
世享馨薦縣成字子祺魯人贈鉅野伯贊曰至聖立教

子祺安雅擅譽魯邦啟祚鉅野煒矣風猷時哉用舍出倫
離類後學是假顏喻字于聲魯人贈朱虛伯贊曰褒錫
朱虛在器輪與儒室振領聖門曳裾賢業得蘊美才以摛
百世不刊載觀成書孔忠字子茂魯人贈汶陽伯贊曰
惟子誕生道德之門佩服至論鯁則弟昆三得三亡所問
殊溫君子歸必義不掩恩后處字子里齊人贈營邱伯
贊曰溫溫子里入聞至聖擇道之華秉德之柄深造闢
不乖言行全齊之封竹素爲盛左人郢字行魯人贈臨
淄伯贊曰伯彼臨淄左行稱賢踰蹤十哲秀穎三千心悅
誠服家至戶傳樂只君子文聲益宣公哲哀字季次齊
人贈郭伯贊曰周衰僞隆政出羣公廉恥道微家臣聿崇
不爲屈節撝默自容于于是時凜然清風濼雖徒父字
子明魯人贈須句伯贊曰遐想子期挾策聖帷涉道是嗜
唯士可縻在德旣賢在名乃垂洋洋之風逮今四馳榮
旂字子祺魯人贈雋妻伯贊曰伯錫雋妻務學實著三千
之徒七十是預歷告莫行惟德乃據紀于前書式彰厥譽
秦祖字子南秦人贈沙梁伯贊曰秦有子南贊贊述作
守道之淵成德之博範若鑄金契猶發藥歷世明祀沙梁
寵爵秦非字子之魯人贈汧陽伯贊曰樂善哲士伯于
汧陽傳道克正番名允威執德以淇用心必剛表廣業履

式贊素王商澤字子季魯人贈睢陽伯贊曰邁矣子季
睢陽是伯屏息受業延教登席未踐四科事涉六籍祀典
載之好是正直鄭園字子徒贈榮陽伯贊曰伯夫榮陽
實惟令德優入聖門過不留跡道以目傳妙則心識荷歟
偉歟後代之則顏幸字子柳魯人贈蕭伯贊曰祀封于
蕭實維子柳夙歎格言克遵善誘明德斯馨賢業所就以
侑于儒傳芳逾茂漆雕多字子歛魯人贈武城伯贊曰
子歛受封爰居武成豐疊其聞翩翩其英捭衣時習願學
日明誕敷孔教爵里疏榮褻駟赤字子徒秦人贈北徵
伯贊曰式是壤伯昭乎聖徒執經請益載道若無詩書規
矩問學楷模得時而駕領袖諸儒施之常字子恒魯人
贈乘氏伯贊曰開國乘氏有德斯彰參稽百行贊禮三綱
自拔行間榮名甚尤在史竊焉歷久彌芳公祖句茲字
子之魯人贈期思伯贊曰惟彼子之錫伯期思與賢並進
得聖而思彬彬雅道翼翼令儀上目至言廟食不磨秋
黑字哲衛人贈臨濟伯贊曰仰止狄哲抱負淵通游泳德
化揚厲素風偉識既異持教乃隆厥志焉恭祀無窮
奚容歲字子哲魯人贈下邳伯贊曰雍容子哲已望堂室
幼則有造成則祖述文采日化孺効力弼承觀厥成德音
秩秩冉季字子產魯人贈東平伯贊曰東平子產姓著

盛時奉師于塾講道之微答問其敏婉妙以思升降陸廉
尚想英姿秦冉字開蔡人贈彭衙伯贊曰彭衙高士經
籍是親贊成德藝協于葵倫底績聖道斯自素臣優哉游
哉學以致身梁仲一云鱣字子免一云叔魚齊人贈梁
伯贊曰室家壯年無子則逐見于史信全齊之俗原本厥
初師言可復以學則知揆之宜篤樂效字子聲齊人贈
昌平伯贊曰樂氏子聲錫爵昌平信道之篤見善乃明引
領高節載惟思城先賢聿集出爲特英理宗臨安府學
道統序贊序曰朕獲承祖宗右文之緒祇適燕謀日奉慈
極萬幾餘間博求載籍推述道統之傳自伏羲迄于孟子
凡達而在上其道行窮而在下其教明採其大旨各爲之
贊雖未能探蹟精微姑以寓尊其所聞之意云爾伏義
贊繼天立極爲百王先法度肇建道德純全八卦成文三
墳不傳無言而化至治自然堯贊大哉帝堯盛德巍巍
垂衣而治光被華葵聖神文武四岳是咨揖遜之典萬世
仰之舜贊於皇聖德至孝盡倫所以爲大樂善取人惟
精惟一帝心之純垂拱無爲堯道是循禹贊克勤于邦
烝民乃粒歷數在躬厥中允執惡酒好言九功由立不伐
不矜振古莫及湯贊順天應人本乎仁義以質繼忠匪
日求異盤銘一德桑林六事人紀肇修垂于萬世文王

贊道被南國守正人倫仁政一施必先窮民翼翼小心秉
茲德純丕顯大謨萬邦儀刑武王贊受天眷命繼志前
人遐邇通悅服僂武修文惟賢是寶彰信兆民建用皇極爰
敘彝倫周公贊美哉公旦翼輔成周施兼四事才藝俱
優制禮作樂惠澤敷流有大勳勞宗社延休孔子贊聖
哉尼父秉德在躬應聘列國道大莫容六藝旣作文教聿
崇今古日月萬代所宗顏子贊學冠孔門德行科首聞
一知十若無實有樂道單瓢不易所守步趨聖師瞻若其
後曾子贊守約博施反躬三省孝爲德先祿仕不忍聖
道正傳意念神領一唯忠恕門人深警子思贊閒居請
問世業克昌可離非道孜孜力行發揮中庸體用有常人
德樞要治道權衡孟子贊生秉淑質教被三遷博通儒
術氣養浩然深造自得亞聖之賢高揖孔氏獨得其傳
范仲淹代胡侍郎奏乞賜杭州學名額表竊以三代右文
四郊立學尊嚴師道教育賢才被服禮樂之風準繩仁義
之行切磨國器標準人倫式致用於薦紳乃助成於聲教
俊造以之富盛基業由是綿昌至于唐家中外建學文物
之盛三代比隆國家徇鐸敷文舞于布化四方庠序比比
而興萬國英翹拳拳以勸臣伏見餘杭郡素爲善地蔚有
秀民宜恢正始之風丕變輕揚之俗前知州李諤在任日

重修宣聖廟建置學舍數十厦面勢顯敞允爲儒宮足容
並誦之流迥處雲山之勝臣自出守此郡延見諸生據衆
狀舉請會到御前進士楊希堂領文會有二十餘人日課
藝業其來不已所益居多臣欲乞朝廷依天雄軍江寧府
特賜州學名額用明勸導庶獲修長歲時不隳方俗可厚
顏閔德行遠侔沐泗之間唐虞文章廣及江湖之上臣無
任祈天俟命激切屏營之至 楊簡拓臨安府學記嘉定
九年京庠典教袁肅黃灝顧瞻先聖之宮與夫講學之所
庠陋不足使人興敬以助教養矧行都四會觀仰大化本
根告于帥請于朝朝旨惠然從請明年孟春經始越壯月
告成闢基崇宇萬目具瞻自昔到今幾餘百年始克鼎新
大構屬簡識其事以發揮先聖垂教之大旨啟佑後學簡
行年七十有八日夜兢兢一無所知曷以稱塞欽唯舜日
道心非心外復有道德特無所不通之稱孔子語子思曰
心之精神是謂聖聖亦無所不通之名人皆有此心未嘗
不聖未嘗不精神無體質無際畔無所不在無所不通易
曰範圍天地果足以範圍之中庸曰發育萬物果皆此
心所發育也百姓日用此心之妙用而不自知孩提之童
無不知愛其親及長無不知敬其兄愛親曰孝敬長曰弟
以此心事君曰忠以此心事長曰順以此心與朋友交曰

信其敬曰禮其和曰樂其覺曰知所覺至於純明日仁此
心直而不支離曰德其間有義所當行不可移奪者曰義
名謂紛紛如耳目鼻口手足之不同而一人如根幹枝葉
華實之不同而一本也此心之虛明廣大無所不通如此
而孔子曰思而不學則殆何也此心本無過動于意斯有
過動于物我故有過于失萬過皆由意動而生故孔子每
戒學者毋意毋必毋固毋我意態無越斯四者故每止絕
學者門弟子欲記其言不勝其記故總而記之曰絕四吁
本心雖明故習尚熟微蔽尚有日至月至之外猶有所違
意動故也孔子莞爾而笑喜也非動乎意也曰野哉由也
恣也非動于意也哭顏淵至于慟哀也非動于意也日用
平常變化云爲喜怒哀樂如四時之錯行如日月之代明
如鏡中萬象實虛明而無所有夫是之謂特
習而說之夫是之謂孔子爲之不厭之學

按學校之設自漢武始六朝時興時廢唐武德中州縣
及鄉皆置學見資治通鑑宋初但有書院仁宗始詔藩
鎮立學繼而大郡亦立學文獻通考杭州學始元豐元

年而范文正表乃言李諮修宣聖廟建置學舍據諮知
杭州在仁宗天聖六年則自藩鎮初詔時杭學已建矣
通考所云尙未允

元至正六年儒學副提舉李祁總管趙璉重建

黃文獻公集

十年守寶格又新之十二年燬於寇十三年總管特穆禮
斯乃飭材重建購朱慧安寺地展櫺星門于南二十二年

復燬二十三年守夏思忠盡購寺基新之

萬歷舊志黃
潛杭州路儒學

興造記抗于宋爲行都士之所聚爲京學凡著籍其間得
以類申補太學諸生人以此古之外應四方之士咸附習
焉以獻于太學乃其規制褊迫庫廩顧出他州郡下簷簷
負笈而至者殆無所容德祐納土杭爲外藩聖化所暨無
間遠邇士風之盛不間異時廟貌悉沿其舊久未有所改
作禮殿之東有論堂朱理宗書養源堂三大字故在左右

前後環以十齋曰進德曰興能曰登俊曰持正曰賓賢曰崇禮曰致道曰尚志曰養心曰率性每齋前列屋爲間者五而後爲爐亭題匾則文丞相天祥陳忝政文龍諸名公書之堂之北爲高閣以藏書榜其顏曰尊經者國朝行中書省平章政事高公興所書也大德七年王教授去疾始敬尚志一齋以廣殿基至大四年倪教授淵遂撤養心率性兩齋以營學宮廡舍至治元年進德興能兩齋燬于災總管克圖魯蕪又卽其地構廳事僅存而可居者五齋率皆局于地勢前阻達路後逼屋居雖欲充拓使就顯敞而遺囂煩不可得也至正二年夏細人之家不戒于火飛燎及殿檐而止持正賓賢崇禮致道四齋與廟垣外比屋而居者數十家盡燬勿存執事者請割學西隙地益以錢若干繕易其廢址改建論堂四年夏儒學提舉班公惟志方埋之度木簡材而李君祚來爲副提舉亟命學政錄直等揆日庀工適當總管趙公璉下車伊始教授謝君池亦至趙公旣銳然以學校爲己任謝君亦克併志壹慮而趨事赴功乃徙閣於四齋之故位且爲屋掖其兩旁而以堂之故位作新堂及前軒設大小學齋東西對峙葦石刻置閣之北數百步而爲亭以覆之殿廡門庶官廳吏舍及故所有登俊一齋下至庖廩之屬仆者起之缺者完之丹采之

剝蝕者飾治之屋之因舊繕葺更新創造以間計者總若
千覽堂塗自門屬于閣二百餘丈土木匠傭之資爲錢若
千緡爲米若干石悉出于贍學經用之餘未嘗以匱官勤
民爲士者亦無所與始作于六年冬十一月訖役于七年
夏四月謝君狀其實馳書京師屬潛記之夫政事由人而
廢興制度隨時而損益必人與事會乃可以舍舊而圖新
今天子嚮用儒雅嘉惠斯文羣臣承宣德意如恐勿及經
之營之室苟美矣息焉游焉士何事乎誠能充類致思而
知吾之所居廣居所位正位所行大道非人之所能廢興
非時之所能損益必有感厲奮發求至于聖賢之域而升
其堂入其室者則賢師帥振起作新之功不止若今所記
而已也潛旣序其工役之極併志所望于其士者如此
楊翮記畧杭在前代爲都會國社旣墟而其京學遂爲郡
庠凡再新之連燬于火至正二十三年總管夏侯思忠方
議重作因定以廟居中其西爲學東爲教官之署拓其前
及左視先倍之江浙行省左丞相太尉達公捐金發粟以
應所需所部富室翕然向風依遂戒屬吏以任供臆選曹
吏以司簿書合羣工鳩衆役同興並舉無有後先旣俾僚
佐分庀專總侯旦暮督程勞來有常舉棟之日觀者如堵
太尉躬率僚屬來致犒助行臺御史亦與浙西江東二道

司憲之官衛助有差境內有司不約而會規模就緒光顯
尊崇儀像儼然塗繪有度至于執事諸生贊禮之服作樂
之器靡不新

稱明祀云

明 洪武八年重建廟學

萬歷舊志

永樂十八年學燬宣德三

年巡撫大理卿熊概重建

嘉靖浙江通志

正統初左布政使孫原

貞按察使軒輊新廟學未幾遷去後按察使陳璇卒成之

成化舊志

成化二十一年郡守張縉又加修葺

萬歷舊志

宏治十年

立科目題名碑於櫺星門之外巡按御史吳一貫拓學宮

南路

舊志

十三年巡撫御史邵璋清軍御史任文獻十八年

巡按御史車梁又重新之

萬歷舊志

正德十二年巡按御史宋

廷佐檄知府留志淑遷仁和縣學石經于戟門外兩偏道

統十三贊于尊經閣下提學副使劉瑞請廷佐以刑金購
書藏尊經閣瑞又隸書大學聖經一章于明倫堂座後門
下志淑命工刻之今廢舊志嘉靖八年詔建敬一亭貯御製
敬一箴宋儒程頤視聽言動四箴註范浚心箴註九年始
奉制易大成殿曰

先師廟建啟聖祠正聖賢祀典十年勒御製正孔子祀典說暨
申說聖諭于石樹戟門左右十五年左布政使任忠以展
謁時諸司輿從直廟門行非禮出官帑購民地闢爲便道
今稱新路二十二年按察僉事劉望之書大魁字於石樹
子泮宮坊西直之南知府陳仕賢亭覆之四十五年提學

副使屠義英建敬一亭于廟後移御製諸箴石于中萬歷
二年提學副使滕伯輪改三司廳爲名宦祠三年教授陳
文貞改土神昌文侯祠於義路之左二十三年提學僉事
伍袁萃增置學田令開墾以爲永業按察僉事仁和沈瑞
臨爲記二十四年巡撫劉元霖命郡守季東魯重修國子
監祭酒馮夢正爲記四十年巡撫高舉重修崇正十年巡

撫喻思恂巡按趙繼鼎張任學暨諸司修廟學

舊志概重建廟熊

學記畧宣德改元天子命概巡撫東南下車視學教授黃
汝濟訓導陳贊劉烈皮岳等率其徒謁子言曰杭爲浙之
首郡學校人才資諸郡先爰自回祿之餘荒落殆甚非所
以崇仰先師而作興士類也時浙藩右布政使艾公瑛杭
州府知府盧玉潤咸有作新之意而未果余乃贊其成爲
哀良家大室之好事者俾出資以協助焉旣而按察使林

公碩至又旣而左布政使王公澤至二公皆名進士也相
與率賓僚之賢者後先捐資次第而新之始禮殿次廊廡
次明倫堂次崇文閣又次而穿堂及門宇垣墉之屬無不
畢舉知府馬儀又增飾先聖先賢像于其中廣狹高深舉
得其度咸謂建學以來未之有也經始于宣德戊申三月
落成于辛亥二月計其財用工食之費數千萬緡斯皆成
于協相之力勿以錙銖役于衆嗟夫學校朝廷設以養士
也雖其術不一然所專治者六經耳所躬行者六行耳士
遊于斯不過明斯文習斯經修斯行國家設有師儒以爲
教養方岳爲之勸課守令爲之督責誘掖獎勵以導迪之
沉浸醲郁以造就之將見成德達材明體適用居廟堂之
上則爲名臣受民社之寄則爲良吏如此而爲學之績成
教養之功著不唯無負于已無負于朝廷抑且無負于諸
君子之盛意是學之修葺其有望于後之來者爲甚重也
李旻改拓杭州府學路記畧洪武己酉詔郡縣立學乙
卯杭州府學營建始成永樂庚子遭回祿之變燬焉宣德
初大理卿熊公概作而新之正統間按察使軒公輓創爲
諸生號舍學之所當有者至是畧備凡有事于兩浙自巡
按御史以及藩臬郡守初到官若月朔望必祇謁于廟退
就講學延見諸生然後視民事春秋之祀必藩臬率郡屬

行事于斯宏治丙辰監察御史吳公一貫來巡按浙江既數月屢至府學見其外門與南向之路旁出而不正隘塞而不通慨然興懷乃謀諸監察御史黃公世經潘臬長左布政使岡公仲宇按察使劉公福等商材度力詢謀僉同于是撤民居之阻其前者給地以易之願售者歸其直拓地廣十丈袤三倍于廣以爲南出之路東南爲高墉立石柱巨坊題曰泮宮坊坊南行折而東跨河爲石橋橋下爲坊牌曰育才橋橋東通道爲坊南北各一南曰文明北曰聚奎泮池在廟前門之內故有橋復翼以二以通左右趨廟之行爲牌亭二于廟中門之前爲學門三問于廟前門之右凡廟學之墮壞者皆葺而完之經始于丁巳八月之朔至十月既望而落成焉嗟夫是學自宋建行都始遷于斯地迄今餘四百年更廢興增拓多矣今一旦煥然改觀非曩昔比豈偶然哉惟國家設學以養天下之士而興其賢能用佐治理其望之甚厚士遊于學亦惟正心修身而所學所行不離于正或出或處必由于正不爲詭隨邪僻之爲以忝于士庶幾無負于在上之望而斯人與有賴焉今廟學之門與路旁出而不正隘塞而不通者旣正而通之又擴而大之士之遊於斯者其必知所警與懼歟于是杭城內外廢革尼寺用其地立社學二十二所以教里中

子弟而選其俊秀升之于學又得官地之在民間者七十
二畝收其租以充廟學後來修葺之用二事皆關係于學
因附書之趙寬新廟祀記杭郡廟學之建舊矣像設勿
度棟宇庫殿俎豆苦窳樂舞無節因仍數十年吏于土者
孰不欲作而新之然有志未就者衆矣寬承乏學事恒疾
于懷巡按監察御史范陽鄧公奉命來斯憲紀誕張尤以
篤柴斯文爲務宏治己未歲仲秋上丁祀禮既成寬以爲
言公曰然不可以不圖遂命有司考制度申典章計費用
度力役會幸察院斷獄贓罰總若干萬緡充其費俾郡守
梁萬鍾董其役遠工之良掄材之精去其宗廟存棧之蠹
者而易之撤其瓦苫朽鏹甃而新之自殿廡至師生講
肄之宮庖馭廩庫之所經之營之靡有闕遺改塑聖賢像
崇其壇壝既嚴既壯大美之登和羹之劑黍稷之簠簋以
及籩豆尊爵匏斗之屬悉範金而爲之蠲潔而渾堅製大
成樂器合于古之律呂選部中道流充樂舞生爲之冠服
如制延雅樂師以教于是造其庭堂陸峻以高門闕廓而
宏黜聖煥彩彰炫昭明入其室於穆昭回洋洋在上几筵
肅離品物靜嘉觀其樂五聲和八風平周旋有序容止有
度蓋廟貌之儀至是而燦然矣明年夏鄧公將受代歸朝
工亦就緒僉謂斯唯一方曠世之盛典不書之後之人孰

知事之所始是用礮石以記 楊守陟記畧宏治甲子冬
監察御史車君梁奉命巡按兩浙風紀激昂政事修舉尤
以興學造士爲務乙丑之秋會三司諸大夫于學宮僉議
興作乃具五材役羣工屬提學憲副陳君玉總理之知府
楊君孟瑛暨其僚佐更督之千戶卜吉孔殷仁教授陳琬
實董其役凡大成殿明倫堂尊經閣鄉賢祠以次修葺干
大成殿東西墀內鑿二井各覆以亭戟門外之泮池舊有
三橋偏仄今去其二築石堰以疏淤塞櫺星門外相距五
丈建兩翼門各三間東曰義路西曰禮門又東隙地建樓
一所題曰應魁皆前此所未有也經始于乙丑之秋其冬
十月畢工車君庚戌禮闈守陟所取士也 馮夢禎重修
學記畧杭郡學肇紹興初閱數百年凡幾興廢以逮國朝
益恢宏其制殿廡齋閣堂庖溷廬不啻倍矣二百年間有
司歲時舉故事出帑芟葺主者視爲故常粉飾目前不顧
其後不日就廢不止會中丞劉公感其事奮然以昇藩臬
諸公藩臬諸公以昇太守季公度工鳩材採斲必精省試
必躬閱數月而百廢興殿閣岑立宮櫺鱗葺徂庭自肅入
室加敬是役也中丞公與太守公提銜干上輪將以時必
精必躬無粉飾之患以斯知天下事作新之難難于人也
且學非與傳舍均杭又故外雍今上揚烈祖休美廣廟學

官進王陽明陳白沙胡居仁三先生列俎豆爲士懸轍亦
時申飭中外先行後文尊經斥異昭向背畫泮域卽士或
博聲漸榮不能究于大道亦萬不至如宋太學故事不佞
方與諸學使者奉訓典唯謹學術與國運方新而學宮又
適新諸士之
興亦唯今日

國朝 順治五年巡臺諸司各捐金修葺

聖廟及兩廡櫺星門明倫堂鐘鼓樓十五年總督兵部尚書李

率泰巡撫都御史陳應泰巡按御史王元暉重修康熙十

七年巡撫都御史陳秉直捐資又修舊志二十二年教授章

潤奇訓導朱釗重建文昌祠浙江通志二十三年知府顧岱捐

修兩廡舊志二十四年

聖祖仁皇帝御書萬世師表匾額懸於廟巡撫都察院趙士麟委

杭州府通判朱德深監修

聖殿明倫堂并重造兩廡廟門

舊志二十五年

御製先師孔子贊及顏曾思孟四子贊并序頒行天下府州縣學

勒石置碑

浙江通志

御製先師孔子贊

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心之所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉剛定之權明道之聖人也行道者勛業炳于一朝明道者教思

周于百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕廵歷東國謁祀闕里景仰滋深敬搗筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綴猷作君作師垂統萬古曰惟堯舜禹湯文武五百餘歲至聖誕生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹墻可晤孔子之道惟中與庸此心此理千聖所同孔子之德仁義中正秉彝之好根本天性庶幾夙

夜最哉令圖邇源洙泗景躡唐虞載歷庭除式觀禮器摘毫仰
贊心焉遐企百世而上以聖爲歸百世而下以聖爲師非師夫
子惟師于道統天御世惟道爲寶泰山巖巖東海泱泱高萬
仞夫子之堂孰窺其藩孰窺其徑道不遠人克念作聖

御製顏子贊

聖道早聞天資獨粹約禮博文不遷不貳一善服膺萬德來萃
能化而齊其樂一致禮樂四代治法兼備用舍行藏王佐之器
御製曾子贊

洙泗之傳魯以得之一貫曰唯聖學在茲明德新民至善爲期
格致誠正均平以推至德要道百行所基纂承統緒修明訓辭

御製子思子贊

於穆天命道之大原靜養動察庸行德言以育萬物以贊乾坤
九經三重大法是存篤恭慎獨成德之門養之藏密擴之無垠
御製孟子贊

哲人既萎揚墨昌熾子輿闢之日仁日義性善獨闢知言養氣
道稱堯舜學屏功利煌煌七篇並垂六藝孔學攸傳禹功作配
三十三年知府李鐸又修舊志四十一年

御製訓飭士子文頒行學宮

浙江通志

御製訓飭士子文

國家建立學校原以興行教化作育人才典至渥也朕臨御以

來隆重師儒加意庠序近復慎簡學使釐惕弊端務期風教修明賢材蔚起庶幾棫樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警惕爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀寧無究心必也躬行實踐砥礪廉隅敦孝順以事親秉忠貞以立志窮經考義勿雜荒誕之談取友親師悉化僑盈之習文章歸于醇雅毋事浮華執度式于規繩最防蕩歌子衿佻達自昔所譏苟行止有虧雖讀書何益若夫宅心勿淑行已多愆或蜚語流言荷制官長或隱糧包訟出入公門

或唆撥奸猾欺孤凌弱或招呼朋類結社要盟乃如之人名教不容鄉黨勿齒縱倖逃褫朴濫竊章縫返之于裘能無愧乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊情深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先䟽附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽

爾祖父亦增光寵矣逢時得志寧俟他求哉若仍視爲具文玩
惕弗儆毀方躐治暴棄自甘則是爾等冥頑無知終不能率教
也旣負栽培復干咎戾王章具在朕亦不能爲爾等寬矣自茲
以往內而國學外而直省鄉校凡學臣師長皆有司鐸之責者
並宜傳集諸生多方董勸以副朕懷否則職業弗修咎亦難追
勿謂朕言之不預也爾多士尚敬聽之哉

雍正三年

御書生民未有額懸大成殿五年總督李衛重修命教授蘇滋恢

董理

浙江通志

乾隆三年大成殿

詔易黃瓦恭懸

御書與天地參額

三十六年巡撫富勒渾等重修儒學俾候選知府許承基

董其役

學冊

四十四年八月十六日奉

旨欽頒

世宗憲皇帝訓飭士子文一道發交國子監及各省學宮恭錄刊

刻

雍正五年三月二十四日禮部奏會試舉人叨荷

特恩合祠陳謝奉

上諭朕視天下萬民皆屬一體况讀書鄉薦之人異日俱可作朕

股肱耳目是以朕心待之實有一體聯屬之意愛養培護卽如有厚其身此皆出于中心之自然並非欲邀天下士子之感頌也今舉子等以會試叨荷特恩合詞陳謝是尚不能深悉朕一體相關之意而存上下彼此之形跡矣朕待天下惟有一誠而崇儒重道之心尤爲篤切但所崇者皆真儒所重者皆真儒正道若徒尚虛文邀取名譽致貽世道人心之害朕不忍爲也爾等讀書之人實四民之所觀瞻風俗之所維繫果能誦法聖賢躬修實踐宅心正直行已端方則通籍于朝必能爲國家宣猷樹績膺棟梁之選卽退處鄉間亦必能教孝勸忠爲衆人之坊

表故士習既端而人心尚有不正風俗尚有不淳者無是理也爾等既感朕恩卽當仰體朕心恪遵朕訓爭自濯磨或出或處皆端人正士爲國家所倚賴如此方爲實心報効不在感恩奉謝之儀文也欽此

谷應泰重修杭州府儒學記畧夫創修則禮樂未遑地遠則文教難暨觀甫田而思復古瞻城闕而傷于矜帝王崛起寓縣途闊而欲海陬遐邇尚敷敷煩軍興事者遂復園橋頽壁之盛蓋自古其難哉

清興十有四載文治敷訖薄海內外喁喁向化其敷教化崇學校視往古加烈焉浙濱于海去京師三千里有奇間者鯨鯨不靖縣官時調戍卒往來費大府金錢百萬所爲地遠而煩軍興事者也杭郡爲一省都會故設教視諸郡學則號首善夏六月中丞陳公親肅拜于先師之前曰邦之不靖由教佚也教之不臧由學廢也今辱膺重寄敢奉揚一人之休命式新學校而輪奐之乃進百執事于庭曰鳩工庀材爾闔臣其任徵輸勸義爾學臣其任鼓舞倡率爾藩臣

泉臣其任凡爾屏牧暨郡縣首領博士弟子員俱屬勉襄
厥事毋後時咸再拜曰諾敬聞命上其事於總制李公李
公力贊之創始于夏季考室于仲冬木維固工維良不數
月而殿堂廡祠閣門垣沼成赫然改觀是時大將軍方樓
船下海又一師搜山谷間赤城石梁之軍以大捷聞露布
至適與學宮之考室會獻馘飲至咸於文廟舉行泰不佞
仰觀棟桷俯視几筵思前所以衰及今所以盛未嘗不嘆

清雅

我

治丕振虞周何遜焉而諸大臣留心本治雅意菁莪較文

翁治蜀相去又何等哉謹頓首而獻之頌頌曰泮水湯湯
溢于中唐游魚在藻菲絮芹香豈弟君子濯德孔臈思皇
多士邦家之光泮宮嶸嶸斯飛斯革金支翠華輝煌安宅
豈弟君子搵粒鼓篋思皇多士邦家之傑言采其芹以馨
德音言伐其鼓以懷好音有尊有鬯有瑟有琴非無鳴鶴
咸食桑椹左則干羽右則球圖考鐘振振德舞雉雉頌官
有赫文教誕敷山無驚獸海不揚波作人壽考式喜且歌

李鐸重修學宮記

聖朝

五十餘載文教誕敷暨乎海隅日出莫不蒸蒸日上蒸蒸向風杭郡

爲兩浙觀化之首蓋尤雲漢天章之具瞻也康熙三十一年
年秋予自越州調繁來郡每朔望隨大中丞張公後謁先

師廟庭又嘗與士子講藝課工見學宮頽廢大懼人才
失儒教淵源中丞慨然言曰教化之行觀乎庠序今學宮
之蔓草生焉茨棘茂焉宮墻之不肅其何以爲教化先况
釋氏以異端之教而創建易于崇隆室廡爲庶民之居而
飄搖必以葺治則茲學校先師之闕庭也先賢先儒之所
隨而侍也報本反始則敬聖之祠在焉邇源及流則鄉賢
名宦各有專祠焉士子于焉而式化規度于茲而向風盛
則爲菁莪域壤衰則傷城闕子孫今文明之運隆茂千古
曷可令學宮之頽廢若此遂捐俸爲倡而以成功專責于
余余守臣也責任在焉尤兢兢恐懼若不克勝于是勉其
力之所能募其力之所不逮同官庶僚咸各踴躍襄事
不勞于民不役于衆工善而勤材良而堅閱數月厥工告
竣輸負新焉夫前此十年中丞趙公前守馬公蠲金修葺
會幾何時而已就頽圯今幸張公敦崇學校鼓勵士風指
揮間學宮舊制遂復第不知邇是而後修之者又何人也
杭世駿新修杭州府儒學記

國朝仍有宋之制府州縣各自立學浙江布政司領郡凡十有
一杭爲省會與區地大物博俯視東西浙水儒學介西南
隅後枕高城前臨支河規制宏敞十郡之士觀光習禮以
親履廟廷瞻接稱駿奔走爲幸論者上擬典學教育子之

聖天子

太廟他郡莫得媿也封疆大吏持節布
而政教化與郡人士相見必先入學釋菜倫明民親儒術顯
易所謂鄉者鄉射也鄉飲酒也周禮州長以禮會民習射
于州序士禮鄭目錄卽引以證鄉射孟子所謂序者射也
鄉飲酒之禮有四而養老爲重因老上庠庶老下庠授几
授杖示民則效孟子所謂庠者養也故曰王道易易郡學
卽省會之上庠也創建之初不知其何所昉紹興改元始
移今地拓于嘉定新于淳祐元世再燬再建訖明凡九修
尊經閣啟聖宮鄉賢名宦兩祠以及射圃節次創設我
國朝崇儒重道較隆前代順治間凡再修康熙間凡四修雍
正五年復大修之式廓旣增美富兼備迄今四十又四年
矣歲月浸遠垣墉摧剝于風雨輪奐穿漏于鳥鼠赤白漫
漶觀聽不肅夫建學造士爲化民成俗之本務制府鏡公
音恒以此率屬僚屬勤施于黨庠術序撫軍兼理鹽政富
公勒渾和爰協恭興廢舉墜不疾而速春秋釋奠瞻顧懷
息謀之守官之師儒守土之牧尹以費繁任鉅方議籌辦
會鹹商顛請捐修公欣然許之命僚戎事恪恭恐後轉運
達公爾吉善經其出入藩伯王公直望郝公頌贊其規畫
達公旋以視

麓朝京

師櫬諸余議徐公恕來攝篆建議支河爲宮嚮襟帶浚深
五尺以疏淪之淤穰濬而文運愈昌八經殘碑爲譽髦模
楷建廊四十六間以覆護之淋炙遠而石刻始副此皆前
此修學者所未及計也董其事者侯銓知府許承基侯銓
主事胡夢楹並由商籍隸茲郡爲聖人之徒近聖人之居
飲和食德思襄

聖治

于萬分之一力勛而用節閭三時卽底於成則在事諸公

之知人善任使也警干叔齋游惰以時巡視百爲不擾觀

察張公延郡伯李公允升與有力焉是役也經始于五月

庚申落城于十一月丙辰鳩工凡二萬一千二百有奇用

財凡五千七百一十有奇財無冒濫工不粉飾山迴水抱

風氣完厚羣飛鳥革檐楹森聳蓮豆有踐鐔磬在縣听听

焉赫赫焉孔曼且頤舊規頓復此雖一郡之學乎禮修樂

明多士蒸蒸興起巾卷充衢弦歌比戶清衿無挑達之譏

陋巷有箠瓢之樂

聖天

子壽考作人昭回雲漢煦之以和風化之以時雨經學昌

明儒風休暢誠治統道統合一之會也學成適際其候事

旣歲宜有記非夫賈孔之經疏程朱之正學曾王之偉論

固無以樹頤頤而參末議也郡人士褒衣危冠儼然造廬

而請曰吾子屈首受經耄而尤篤上庠之養悼史之乞計

莫有先子者盍一言以示久遠嗚呼末學庸受聖人不磨之門墻

聖世不棄之側陋皓首而見德化之成以文學獲遇于斯役其文大矣雖不文敢自棄乎謹

記

先師廟四配 復聖顏子宗聖曾子述聖子思子亞聖孟子

十哲 閔子損冉子耕冉子雍宰子子端木子賜冉子求
仲子由言子偃卜子商顓孫子師

國朝康熙五十一年奉

聖祖仁皇帝上諭以朱子熹發明聖道軌于至正使六經之旨大明聖學之傳有繼舊在東廡先賢之列升配大成殿十哲之次

兩廡從祀先賢 澹臺子滅明宓子不齊原子憲公冶子
長南宮子适公皙子哀商子瞿高子柴漆雕子開樊子須
司馬子耕商子澤有子若公西子赤巫馬子施梁子鱣顏
子辛冉子孺曹子卹伯子虔公孫子龍冉子季秦子商漆
雕子徒父顏子高漆雕子哆壤駟子赤任子不齊石作子
蜀公良子孺公夏子首公肩子定后子處鄔子單奚容子
蒧罕父子黑顏子祖榮子旂甸子井疆左人子郢秦子祖
縣子成鄭子國公祖子句茲原子亢燕子佞廉子潔樂子
欬叔仲子會狄子黑公西子輿如孔子忠邾子異公西子
蒧陳子亢顏子之僕琴子張施子之常步叔子乘申子棧

秦子非顏子噲左邱子明周子敦頤張子載程子顥程子
頤邵子雍

國朝雍正三年奉

旨復入從祀者四賢 遵子瑗林子放秦子冉顏子何 增入從

祀者六賢 縣子賈牧子皮樂正子克公都子萬子章公
孫子丑

兩廡從祀先儒 公羊子高穀梁子赤毛子萇伏子勝孔
子安國后子蒼高堂子生董子仲舒杜子子春王子通韓
子愈胡子瑗歐陽子修司馬子光楊子時胡子安國羅子
從彥李子侗呂子祖謙張子栻陸子九淵蔡子沉真子德

秀許子衡薛子瑄陳子獻章胡子居仁王子守仁

國朝康熙五十五年江南學臣余正健疏請宋儒范子仲淹從

祀奉

旨准入兩廡

雍正三年奉

旨復入從祀者二人 鄭子康成范子甯

增入從祀者十有四人 諸葛子亮尹子焯陳子淳魏子

了翁黃子幹何子基王子栢趙子復金子履祥許子謙陳

子皓羅子欽順蔡子清陸子隴其

崇聖祠明嘉靖間奉制建啟聖祠於先師廟之東北

萬歷舊志

國朝雍正元年易啟聖祠爲崇聖祠

浙江通志

配享先賢 顏氏無繇 曾氏黜 孔氏鯉 孟孫氏激

從祀先儒 周氏輔 程氏珦 朱氏松 蔡氏元定

雍正三年奉

旨增入從祀者一人 張氏廸

按已上配享從祀各州縣學皆同後不復載

櫺星門 廟前築石柱爲櫺星門門之外東爲義路西爲

禮門左右列科目題名其科目至明萬歷間止

舊志

明倫堂 大成殿右爲明倫堂卽宋時養源堂也

西湖遊覽志

明崇禎十二年巡撫熊公奮重修

舊志

尊經閣 永樂間建藏頒發書籍宏治六年圯郡守張清

重修

萬歷舊志

崇文閣卽宋時稽古閣也亦稱尊經閣

西湖遊覽志

吳伯通重建尊經閣記 杭學之復建尊經閣也命臣鎮守太監張公實主之夫閣何爲者也昔太宗皇帝思法古帝王以道治天下用光宏基于億萬年以爲帝王之道戰諸經乃命儒臣編修五經四書集傳註爲大全又輯諸儒成書格言爲性理大全書頒布天下學校俾爲師者以是教爲弟子者由是學焉庶幾天下士皆得聞大道爲良才而賴其用以輔世治民也于是古昔聖賢傳道之書始遍天下而文教覃敷矣當是時藩臬郡縣臣欽奉德意所在學校多爲樓閣以藏賜書而題之曰尊經茲閣之所爲建也杭學之有閣其昉于是時乎成化中閣以久且敝守拆而將更新之尋以事罷去閣遂廢廢而莫或有舉之者宏治初公光膺游命仍總鎮兩浙方思篤棊新化而郡人李君子陽告之故且請復之公欣然曰仰承祖宗德意宣德教淑士心定民志以寧靖于海邦守臣首事也可後乎遂屬其事于杭守潘陽張公潮用俾輟他務發府藏金若干兩市材于南北既具乃卜乃選幕官才者督公徙拓舊址而

廣之作樓六楹其間五經始于辛亥秋至壬子春工告訖
功其成也崇高闔裕氣勢巍然與南山對峙爲賓主登之
可以遠眺望而豁心神爰置庋焉捧賜書而藏之俾學之
師率其弟子員旦晝登而啟卷講授于中焉仍取舊題榜
之南榮旣成之明年憲長楊公維高進爲方伯修禮于學
登樓有感謂余我輩承宣德化于茲學之廢興乃吾輩職
事也不能事事而賴公以成功其善可泯耶子宜記之以
承厥美伯通職專文學不得辭乃爲次敘其本末記諸石
齋舍 宋紹興建爲齋六後增其二匾曰進德興能登俊

賓賢持正崇禮致道尚志咸淳八年安撫吳益又增存心

率性二齋共爲十齋

咸淳志

元減爲六又減爲四日志道曰

據德日時習日日新

西湖遊覽志

明倫堂翼以四齋東曰體仁

日利物西曰嘉會日貞固東齋之上爲書籍樂器庫

萬歷書志

文明樓 學之正門也萬歷三年學西偏民居火延於樓

興府縣師生候廳俱燬郡守吳自新請于撫按藩臬諸司

重建稍撤民居遠之規制更爲宏暢

萬歷舊志 陳善重
建文明樓記 浙省爲

東南一大都會聲明文物甲天下杭郡則首善地也郡學
居城西隅風氣凝聚代鍾偉人文明樓鼎峙震方實多士
莘止進趨之所乙亥燬于火郡守吳公謀作新之請于撫
臺謝公按臺吳公藩臬長左使王公右使張公憲使蒙公
左參政朱公先後督學使者滕公喬公分巡僉憲王公咸
報可公乃出罰金若干鍍鳩工庀材以繕其事閱月而訖
工宏敞巨麗倍于舊貫于是教授陳君文吳奉公之命詣
于請記夫國家養士于學宮有大成殿以崇先師矣有尊
經閣以藏文籍矣有明倫堂及諸齋舍以備禮容成禮器
時講肄矣乃茲樓之建不近彌文哉嗟乎茲固所以文明
之也夫文非藻飾明非炫耀之謂也根于性命被于藝倫
發揮于簡策而宜洩于聲容度數間聖王所以漆繪人情
潤色鴻業經緯天地者非文勿明也斯豈易言哉父子篤
兄弟睦夫婦諧斯文明著于家矣少長以齒尊年敬老斯
文明著于鄉矣君義臣忠斯文明萃于國矣宇宙太和萬
物咸若天苞見地符出祥麟威鳳遊于郊圻斯文明被于

天下矣此文之實也若乃鳴金戛玉左轂右珽肩負俎豆手持絲簧以濟濟于列序者日身之文哆口繪句絺章贊龍虎之文競風雲之奇者日言之文其于文明之義遠矣哉杭郡邑士多駢詞麗句矜容觀盛車服以相華重而實際多缺司教化者憂之諄諄以敦本崇樸布諸令甲而茲復揭文明之義以名樓蓋望之以根心之文也士登斯樓也其尚砥節于言行茹實于身心沃膏于性命盡屏澆習追還古初而勿徒辭章言貌間哉工始于萬歷三年十月成于十一月

射圃

三學射圃在提學道署西明洪武初各闢一圃成

化七年三學總一圃以開元宮廢址爲之宏治十一年提學副使趙寬改今處正德末以近按察使署不便徙水溝巷西尋復今處嘉靖三十一年提學副使薛應旂重修

後改校士館仍習射于此今地入駐防營內

浙江通志
薛應旂射圃

記三學射圃者因杭州仁和錢塘三學諸生習射之圃也
洪武初三學各有射圃成化辛卯乃即開元宮廢址總建
督學者就以蒞政繼遷代偶問屯田憲察因以居之宏治
戊午提學副使趙公寬至遂議度圃之左右隙地左建提
學書院右建是圃以專習射迤北乃築街通書院用便督
率竟以原圃護爲屯田公署其事具趙公書院記中歲久
是圃亦就蕪圯嘉靖辛亥子叨視學政屬有司葺之明年
壬子八月秋試畢事始克經理冬十二月訖工凡爲前堂
前軒各三楹東西兩廡各五楹穿堂一楹後堂五楹尉屋
三楹中外門各一座左右侯館各一楹其餘弓矢夾拾侯
鷓旌旗鐘鼓琴瑟笙簫塤磬尊罍豆邊勺篋洗禁俎案豐
解之屬悉鼎折如制癸丑春遂進師生習射值有石仆庭
中蓋前人墓而寘之者予因爲文勒之以紀其事應旂唯
先王爲弧矢以威天下其選士也必校射于澤宮以行慶
讓唯時天子諸侯卿大夫士靡不盡志于射斯其微意豈
徒在于進退周旋儀文器數之間哉蓋實以陰陽並運送
用柔剛斯仁義成德而人道立矣故曰射者男子之所有
事而君子之所貴也吾夫子矍相之射公周之喪序黜揚
解之語丁寧反覆意義具在然識其微者益鮮應旂承乏
兩浙日切兢懇誠願與爾有司學官弟子實心相與凡可

以裨化者不憚舉行故于省城首善之地是圖之修復自不容緩而按圖據經講明肄習以爲諸生倡者不得不汲汲也

教授署

在大門內

舊志下並同

訓導署 在二門內

按舊學署有三教授一訓導二教授舊署久廢順治三年裁訓導卽改廨宇爲教授署其一在二門之內爲今訓導廨宇

名宦祠

鄉賢祠

按各州縣名宦鄉賢祠奉禮部議准俱歸府學致祭

錢塘縣學

宋 舊附京庠嘉熙四年以縣丞廨改造齋六日友善辨

志教行教信教文教忠

咸淳志

宋紹興間昉建於長生老人

橋西嘉熙四年尹趙與權大其址

咸化舊志

塘縣學記我藝祖皇帝

汎掃區夏挈錢塘與地盡歸職方列聖相承陶以詩書風
之禮義而賢良方正之士興焉然學猶未暇建也慶歷以
來詔天下郡縣皆立學兩浙路獨杭與蘇越得置郡博士
增弟子員如縣無校官則命令佐主學事然附郭之邑猶
未置也六龍駐蹕戎車息崇禮考文內興太學外設庠
序大抵皆視開封而後唐至紹興間令昉建夫子廟簡肅
李公祥職之正朔款調春秋奠祀則有其地矣而賢宇尚
闕無以爲屬民讀法洎土校比之所項趙侯與權來尹京
兆喟然作日臨安赤縣二先忠憲宰仁和已建其一豈斯
邑亦有社有民而不知教耶乃用相基諷日庀徒於縣之
東得丞舊寺遂建學其上命宰趙與杰鞏耕及簿正王夢
得相其役越三年有成官雖雖在左廟肅肅在右廷殖殖

在中門舉如也殿邃如也明倫堂曠如也池疏爲二齋列爲六宿直之盧公養之廩廢不嚴備像設禮器稍不應園法則又倣京枝取正焉士于是可以藏修息游已是役也簿正實始終之則貽書潼川吳泳願有述泳謝曰春秋不書修類宮之義何敢書則又曰今徧州縣皆先民記矣泳既不得辭乃以得諸聖賢者而諗多士昔畢命之訓殷士日雖收放心閑之維艱不由古訓于何其訓孟子亦曰學問之道無他求其放心而已矣聖賢設教于條萬目祇要人將已放之心斂而歸之已而學者侔侔然率馳騖于外因物有遷而失其本心者多矣矧回衆大之區哉利欲之薰心也奇巧之蕩心也宮室妻妾之動心也一旦晝之間知誘物化牛山之濯鷄犬之放所爲仁義之良蓋无幾資質敏慧者不過競習科舉而亢志于高明者又不免遽墮孔孟而歸宿老釋也然則何以長善救失而新美其俗哉畢命所謂收有德義之訓焉孟子所謂求有學問之道焉非必取成于心屏除意見而竟以爲是也爲語邑之秀民更請擇斯二者

元 因米舊至正十二年燬于兵

成化舊志

宋六齋元減爲四

西湖遊覽志

明 在縣治東洪武三年建

大清一統志

洪武三年知縣邵

復亨以舊學湫隘購地佑聖觀之西舊有老氏堂一十二楹頗高敞遂改以建學九年分巡浙西僉事潘繼祖以其簡陋不稱崇祀命知縣王益德改建殿學門廡庖福諸制畧具宣德間重建正統初增建號舍景泰五年按察使陳璇率諸僚來協修廟學易櫺星門以石柱重置殿廡神位

萬歷舊志

宏治三年按察使于大節提學副使吳伯通協力修

葺因立科第題名石

浙江通志

嘉靖三十年知府孫孟四十二

年提學副使屠羲英繼飾廟學萬歷二年廟壞令姜召訓

導黃金粲潘桂芳白子提學副使滕伯輪并啟聖祠明倫堂皆一新之

錢塘縣志

二十四年縣令湯沐建文昌閣二十八

年縣令陳瑛建第一流坊三十二年縣令朱光祚建尊經

閣

錢塘縣志

三十五年知縣聶心湯重建

先師廟崇正十三年巡鹽御史梁雲構重修學宮十七年知縣

顧咸建移建啟聖宮於尊經閣基

舊志

魏驥記畧杭州府錢塘縣于按察使甚

為密邇而廟學創自前代其殿庶堂齋率由風摧雨震弗稱其瞻按察使鳳陽陳公琰過之嘆曰是邑廟學之廢如斯吾可視之而不顧哉歸謀于副使寶應王公銓南昌羅公茂僉事廬陵陳公永邵武上官公愛臨武鄭公彥譽永豐高公安甫田王公譽山陽馮公節新安馮公清僉曰是吾輩職也復詢之郡邑士民皆無異議乃首督郡縣以修飾為事而諸公皆協心力以為助焉肇工景泰三年二月成于又明年七月陳善修錢塘學記錢塘縣學在省城

東隅形勝獨奇風氣攸聚代有偉人景泰三年浙江按察使陳公瓊賸廟學仆傾大加繕治閱三載功成見公及魏文靖公記中嗣後嘉靖三十年抗守孫公孟四十二年督學憲副屠公義英再修飾之比及十年尋復就圯萬歷二年四月先師廟脊馬風雨所壞司訓黃君金榮謀于同官潘君桂芳各捐資葺之然殿堂齋舍庖廩俱多蕪穢二君具狀白于督學滕公公白于當道俱從公請先是修建之役專督于縣貳而教官皆不與聞是以選材不精督匠不力費恒十倍工不復堅公悉其弊乃檄二君與邑丞曾以孝廉督之又以材料不充價不時給則民多重困而工用難集于是斂材給值先時皆具人樂于趨役計日而成不愆于素費半往者而工實倍之經始先師廟次兩廡次敬一亭次五箴亭次兩戟門又南櫺星門門之南新樹石欄東西凡若干文廟之北修明倫堂堂之西修敬聖祠始于三月落成于六月而學諭李君維鈺及錢塘縣尹姜君召繼至各捐資增飾土地祠及學諭舍宇內外煥然改觀李君同黃君鮑君如璧謀曰滕公之新是學匪繫觀美將以進諸生于學也學術不明公既以倡明之諸生靡然從之矣顧士習之新與學官會可無紀乎乃相與率諸生輩詣予請記成事善因拜手言曰休哉滕公興學之績不可以

不祀也。今夫廟祀孔顏，將以孔顏之學期多士也。發賢科登臚仕者，代不乏人。然詞章功利訓詁之習，往往有之。豈孔顏之教乎？滕公以興起斯文爲己責，多士夙聞公教而敬業于學，不有慨然以聖人爲必不可師者乎？夫立教不外明倫，聖學莫先主敬。自敬敷五教之說，虞廷倡之，而萬世教人者宗焉。近世司教秉鐸之士，未有以斯學望天下者。乃公則首發之，且倦倦以戒謹恐懼爲言。正唐虞兢業之遺旨也。諸士服習有素，敬奉師門之教于此，出王于此，游衍始無愧于黌宮。弗疑聖人之教，以仰成滕公興學造士之盛心。而二三師儒締構之勞，亦非無補矣。

國朝

順治十三年重建

大清一統志

康熙二十四年高朝纓王

道寧趙蒼璧等重建坊河涯題曰宮墻第一流

錢塘縣志

五十

二年學圯巡按御史顧圖重修

浙江通志

五十七年總督覺羅

滿保重修廟學舉人潘兆新生員范玉鈇施廷儀等重建

尊經閣于明倫堂後復建褒忠祠於學東祀方正學以下

一十四人雍正六年總督李衛加修

浙江通志

乾隆三十六年

署鹽驛道徐恕又增修

學冊

章藻功重修錢塘縣學宮

今天

子武偃文修同風有象禮明樂備化雨無私除喜起而明

良世軼唐虞而上由庠序而學校人依節魯之中堯舜湯

文武以來孔子之見聞有自漢唐宋元明以後

與朝之尊禮彌加重四字之

王言瞻萬世之師表如綸如綍則日麗宮牆式玉式金則澤流

泮壁浙省錢塘縣者跨斗連牛星精翁聚飛龍舞鳳天目

生來載色可親徵昭代作人之化恒心斯在歷累朝養士

之區褚僕射流血諫言于少保憐忠賜謚得乾坤之正氣

與日月而爭光若其位列三臺則高黃間出臚傳一唱則

茅李同聲節義文章于斯為盛科名甲第振古如茲南北

峯高到處車迎長者東西序列當年橋號老人蓋瓶建平

紹興聿改遷于洪武立于今所既闕兩朝考以前聞更新

八次春以椒而秋以桂雍雍文杏之壇夏則詩而冬則書

濟濟橫經之舍顧乃百年不滿漸揭雨而漂風數仞可窺

或崩楹而折棟暨茨雖葺丹雘誰加而絲竹之音儼聞壞

壁軒楹之勢欲壓頽山賁官守而何知問子來其莫任巡

鹽御史顧公潮顧孫之奕葉作傳說之和梅乘驄而蕭霜
清象虎而熬雪素軫商恤竈英有正供敢暴鉏強鹽無私
販借寇恂而進道

皇恩

留以半年望夫子以升堂士氣于焉一振時或觀風而至
收仁傑之參芑爲言映雪之勞給休文之油火乃瞻孔廟
如見堯堦特捐俸以加修因考功而改作謀新舍舊經始
以時輝後光前落成不日若使四科爭設應列堂堂從教
萬古觀瞻爰歌奕奕搢紳某禮出名家自翺翮之公子光
觀上國爲藹藹之吉人每有得乎頽瞻似無難乎孔卓廢
修墜舉義勇必爲墨距楊逃惡言不入事無鉅細悉籌運
以實心材有短長必折衷于巨手教諭周雲抒訓導余潤
詞林冠冕士籍圭璋值四三六五之期帝王之崇儒特盛
與七十三千之數弟子之設教多方卽有事以爲榮豈備
官而未悉竹頭木屑覘平日之經營崇尺修尋見臨時之
規畫必誠必謹自在鳩工且敏且勤遑言燕息斧斤刀鋸
等琴劍之雍容梓匠輪輿列生徒而踰濟自此梅梁柱柱
妙飾崇蘭藻筵簞篋尊榮釋萊巍然廟貌七十六縣而冠
錢塘潔兩溪毛億萬千年而羞璧水至若吾夫子者兩闕
覆載無以出其範圍四序推遷詎能窮其變化自生商而
作后暨命宋以來賓長發其祥篤生至德臯陶伯禹幸列

聖千身中閉損顏淵冠羣賢而面北轍環無定歷聘諸邦攝相有成先誅兩觀智以藏往遠徵肅慎之名神以知來預決沙邱之兆辨羊穿井類虎拘匡常禦侮以彈琴或爲憂而擊磬徵言大義藉以彰聞賊子亂臣懼其筆削三綱之系弗絕與天地而同流兩路之殞何知莫殷周而入斐蓋自奎婁胃昴同降尼山及夫荆棘蓬蒿不生孔墓又出類而拔萃爲絕迹而殊尤此千古之希聞亦一班之偶見者也今者學校有肩隨之序經書皆手澤之遺千載有知撫雲霓而高視萬年是保信風雨之攸除尚入廟而敬所尊敢數典而忘其祖

按浙江通志云順治十三年學燬于火十五年提學谷應泰又建錢塘縣志與通志同錄以俟攷

崇聖祠

在明倫堂西

錢塘縣志
下並同

明倫堂

在廟之前

齋舍

在明倫堂左右一日進德一日修業

教諭署 在 先聖廟東舊志乾隆三十六年改建明倫堂

後其舊署改爲土穀祠學冊

訓導署 明倫堂東北舊志乾隆四十四年訓導馮省槐重

建于啟聖祠之北邑人許擎經其事學冊

名宦祠祀白居易以下一十六人浙江通志下同

鄉賢祠祀范平以下一百三人

仁和縣學

宋 舊附京庠紹興三年縣令孫廷直於縣治東建

文宣王廟嘉定五年令姚師虎建學廟左八年令趙希言創學齋四日教文教行教忠教信嘉熙四年京尹趙與權遷縣

簿廨以廣學舍立三賢祠祀褚文公無量許睢陽遠崔八

行先生貢淳祐九年令李從重建

咸淳志

元至元中教諭余志賢改建至正間民火延燎

仁和縣志

明洪武三年令徐珪重建乃開射圃建觀德亭十一年

教諭沈尊訓導卜埜瞿佑病其卑隘知宋太學在前洋街
者人元改爲西湖書院院亦廢而廟學尚存尊等言之郡

守改建以故彞倫堂爲明倫堂齋減四爲二堂之後舊爲

重屋卽宋太學之尊經閣

嘉靖仁和縣志

舊仁和學宋岳公飛第

也岳公彼禍後第爲太學元爲西湖書院至本朝爲縣學

在按察司西

西湖塵談

天順三年巡按御史閻龍等以其逼近

臬司請以廟學舊材徙建府學之右本貢院舊基稍易爲

新

成化舊志

成化十七年巡按藩臬諸司以廟學就圯令郡同

知李杲修葺

萬歷舊志

正德十三年郡守留志淑嘉靖四年知

縣李義壯繼修二十四年知縣程良重立科甲題名石于

明倫堂西北隅

舊志

二十七年教諭陳助又以廟宇傾圯言

于郡守嚴寬請巡臺諸司鼎新之萬曆元年知府徐淵知

縣張譽重建明倫堂

萬歷舊志

四年知縣事梁鵬重修葺學宮

改建學門

仁和縣志

魏驥改建仁和縣學記巡按浙江

接按察使西連其署之罔圃嘆曰此豈可爲崇清廟肅弦誦之所乎乃謀之浙江左布政使梁繁按察使曾蒙簡等咸以爲然于是相地得舊貢院之址高亢爲宜言于朝乃擇日始事委布政司檢校駱義監督杭州知府胡濬往來

經營之其材則本諸舊而易以新者半禮殿五間兩廡三十間前蔽戟門外列櫺星明倫堂五間兩齋一十間下至倉庫庖湏之類凡學所宜有者無不備具其費出于公而財不傷工出于儲而民不擾化卑隘爲宏敞肇工于天順三年之六月訖工于是年之十月旣落成致諭畢昇謂不可無述以示來者請記于余夫學校實風化賢才攸繫故歷代重之至我朝崇重之意視前代有加誠千載一時也然學旣新矣爲士子者處茲闕耀之地不可徒資之以爲觀美亦當一新其志云凡進進高明毋專事虛文以圖利祿而忘厥重要一以古之名臣賢相自期應時需展所蘊上不負朝廷崇重之意下不負諸重臣作興之美而後可不然猶凡民耳夏時正修仁和縣學記仁和縣儒學舊在郡城貫橋之西北洪武間卽元西湖書院爲之者在郡城紀家橋東天順三年徙湧金門南舊貢院址不二十五年殿與學堂皆上爲下穿不禁風雨且將頽壓而莫撐支揭皮有愆講肄無所師生皇皇無以爲謀乃用言之按察使言之布政使言之巡按御史而皆聽之遂以徧同知李杲區畫衆材帖下冠帶義官吳諫董視羣役無何衆材山峙羣役雲興肇事于成化辛丑四月十有三日巧者獻能力者獻勤撤其腐敗易以堅良撻其漫漶煥以丹碧補

平故所闕軼創乎新所加增訖工于明年壬寅正月十五日師生謂宜文記其成俾後來知所繼也乃用悉其始末屬之時正辭不獲乃爲言曰天下之大需賢才以共理也賢才之生必學校以養成之也仁和密邇三司首善之地其尤所宜先者乎夫惟古學校之養賢才也有道而賢才之爲學也亦必以道其道何如若大學所謂格致誠正修齊治平是也而其要則莫先于正心其工夫準的又莫急于明義利之辨也惟君子能喻於義雞鳴而起莘莘乎以求大義所當爲者而爲之日不暇給也由是功高而名流業廣而祿厚雖不求利而利自無不至也小人喻于利也雞鳴而起莘莘乎以屬乎谿壑之無饜未得患得既得患失日不暇給也由是聲稱日以榮節義之俱喪甚者立身一敗萬事瓦裂則亦何益之有哉子謂子夏曰女爲君子儒無爲小人儒他日又曰古之學者爲己今之學者爲人爲人者小人儒乎爲己者君子儒乎差毫釐而謬千里故術不可不慎也若夫靈几秩秩廟貌巍巍仰而瞻俯而思洋洋乎如在其上如在其左右也潛孚默契蓋有不言而喻者矣士幸遭逢盛際陶鑄沐浴之深尚期爲君子儒上無負于聖天子下無負其所學也歟其或爲小人儒也則亦存乎其人焉耳時正老矣猶願與諸士子交相勸也于

是爲記 粘燦重修仁和縣學記正德己卯春掌銓者以
余敦仁和仁和號多賢間亦有故習未除趨向弗類者予
則日與講疑義勵修檢嚴日課不數月而髮列几下者其
拜俯步趨動定語默新故漸不相襲說者謂仁和士習維
新矣士習雖新而庠舍之居是士者其蠹傲猶夫故也日
講習坐其下者恒悚慄然忽夏至日撤講未移刻而棟宇
覆壓器用敝盡予與諸生輩偶幸而免也豈造物者亮其
志憫其愚欲新其規以逢其會乎于是邑令忽然杭守留
志淑氏急起而營之更其宋之蠹者榘桷之剝削者與夫
居榭講櫺之缺折欹腐弗材者工勤力疾越月而輪奐一
新焉予時搏辭附案嘆曰士習新而居是士者亦新宇宙
間物理氣數之相值固如斯哉然輪與雖新要亦草創規
畫耳若夫齋廊檻壁殿廡簷楹與凡藻繪粉飾之工猶有
未盡悉備者未幾留且去且再至至未幾復膺擢嗣留
者蒞政概無令聞且亦未遑也新塗廖瑜氏蓋丞于邑者
獨有志于是志踴勤而分量則有限司風紀者特以瑜署
令事唯是得加補治修葺既而得新令李義壯氏而規制
始復完焉瑜以子悉其事謀司訓車公聽遣幣索予記之

國朝 順治八年督撫藩臬諸司重修廟學移大門於東首由

府學出入

浙江通志

康熙五年教諭鄒璜與諸生邵泰卿共圖

捐修重新

先師廟餘未訖工二十四年泰卿子邵遠平官學士假歸遵先

志捐千金重建明倫堂魁星閣名宦鄉賢二祠及

聖殿兩廡戟門櫺星門加以丹雘

仁和縣志

雍正九年總督李衛重

修浙江通志乾隆三十八年邑人許承基等請於巡撫輸貲重

修承基董其事

徐恕重修仁和縣學備學記建國君民教學爲先自三代迄今稱賢才而美風俗未

有不本諸庠序學校者也杭爲浙東西十一郡之冠府學與仁和錢塘二學並建省城士遊三學者沐浴

聖朝之教育百有餘年拔萃起潛科名文章之盛固已超越前代矣子承乏杭守旋蒙

恩命擢任監司朔望謁聖三學宮竊見廊廡祠宇內外或陳丹暗粉半多剝落或上雨旁風垣歎木腐又其甚者鞠爲茂

草願瞻太息函謀縹葺而聿新之會里人候銓知府許承
基倡率諸商願請輸貲以佐經費轉申兩院臺俱荷報
可鳩工庀材府學錢塘學亦既先後落成煥然改觀矣唯
仁和一學闕焉未舉考仁和舊學在宋附於京庠洪武十
一年卽西河書院改爲學天順三年始徙今地與府學相
毗前明遞有增建屢修屢圯

國朝

順治八年重修廟學大門改移東向由府學出入康熙八

年教諭鄒瑋共郡人學士邵遠平重建明倫堂雍正八年

前制府彭城李公衛檄學重修距今又四十餘年矣許君

承基偕行省理問何君宗方復踵前請力肩其役時方伯

王公亶望護撫篆事首先其請制府鍾公音今撫軍三公

寶督學使者王公杰皆以振興黉舍爲先務嘉子維新廉

使郝公碩權儲道李公慶榮杭嘉湖道孔公毓文和衷協

德樂觀厥成郡伯彭公永年董率維勤克舉厥職是役也

凡櫺星門及戟門兩廡至大成殿明倫堂頽者築之朽者

易之毀者補之其自大門魁星文昌二閣崇聖鄉賢名宦

忠孝陳忠肅公五祠湮蕪僅存遺址度材量地莫不循舊

基而一一鼎新之撩以垣墻四百餘丈周遭雜植花樹數

百本以資遊息舊觀頽復規制加宏許何二君可謂無忝

斯任矣經始于乾隆癸巳年二月二十五日迄工于六月

十五日凡陶旋木石釘錢糴漆匠役之費計共需白銀五千九百七十兩有奇竣工逾日縉紳先生及邑士來乞子記以饒諸石洪唯

歷聖相承文教誕敷漸被于遐陬荒蕪復頌

御纂易詩書春秋三禮諸經俾藏學宮以示窮經準的念絃誦

無所觀摩乏術不能齊心志而或鶩于岐途今經訓昭垂

炳若日星入學鼓篋其亦恪守所業日孜孜以蘄至于聖賢之域求爲可用之學經明而行修行修而名立庶上不

負

聖天子作人之雅化次亦可酬列憲興學設教之盛心此則子倦倦不忘用期共底有成以爲三學多士勗詎獨仁和一學云爾哉是爲記

崇聖祠 在文廟東北

萬歷舊志

明倫堂 在學後

嘉靖仁和縣志

齋舍 一曰正心 一曰誠意

仁和縣志

教諭署 在明倫堂後正德中教諭李璧于廳西築圃曰

藏春園稍北構亭曰琢玉亭亭前鑿池曰教思池天啟二
年教諭呂頴建樓于池東北曰息閣皆廢

國朝康熙八年教諭鄒鑽葺琢玉亭

舊志

乾隆三十五年教諭張

聲遠捐俸開擴亭基爲教思堂

學冊

訓導署 在廟之西南

舊志

名宦祠

祀許璞以下九人

浙江通志

在戟門左

舊志

鄉賢祠

祀王琦以下七十三人

浙江通志

在戟門右

舊志

海寧州學

宋 在縣治東南宋紹興中建

大清一統志

鹽官縣在縣東

二里記云故有學在縣治西紹興五年令刁應撤故老氏

宮材卽舊址建學淳熙四年令魏伯恂廣之鑿池造橋咸

志淳佑中令范慶重修寶祐二年令施濟建藏書室成化舊志

胡埕鹽官縣興建學記畧杭爲東南都會水陸物產之饒甲天下阻山帶江人物間出而鹽官邑其窮處地並海民逐魚鹽爲生列肆負販冠帶之俗微矣自國家承平百七十餘年間士而仕於朝纔一二人何其鮮也儒者張先生九成者郡人遭亂避地實始來居而以其徒講學焉未幾屢試有司居第一擢進士第廷中又居第一而其徒轉第二邑人驚嘆時丹陽刁應令鹽官爲治尚簡靖察奸不苛獄訟爲衰息民旣信化思所以作興善其俗者召父老庭下令之曰張先生亦人耳一旦及其徒俱成名赫然豈他道哉稽古之力耳矧是邑古不無人褚無量苗裔至今大家而睢陽太守許遠廟食故在曾謂我宋無一人起邑中竊爲父老不取且天子以萬戶黔首屬之令固求有以善之苟應簿書期會催科勸課負弩矢媚部使者一妄胥吏任職可也四方君子將何以觀政我其鄉校是興俾若縣子弟得相率肄業其中不亦可乎民叩頭謝唯令君命縣故有學在縣治西有司建官府一切輦取其材改作堂

舌焉像設風雨吏玩勿疾蓋五年于茲邑有廢老子祠昔以奉狂道士號葆真宮者靡嘆日漫神誣民吾不忍也命毀之籍其材相地筮口乃七月甲戌就縣故學基以營焉諸生勤趨更出力佐工役調不歛其民一錢項之會禮部試郡進士于是第一人又張先生徒也蓋師弟子更以儒學成名顯一時三年之間磊落相望邑人益知令君不我欺而學之不可已信也遂以十月丙午學成殿屋六楹堂四楹門四楹齋館廊廡庖溜之舍咸在工既訖功涓辰奉安棟宇崇崇像設巍巍幣牲潔羞籩豆秩序拜揖登禮備無間吏民觀瞻俗用丕變諸生成願刻石紀事以示來者竊乃條其本末書抵張先生請記于是晉陵胡埕其友也張先生方以太史氏列職東觀千埕爲同舍郎顧而屬之記辭不獲命則拱手言曰請考論先王之學以舜爲之君而契爲司徒書則曰百姓不親五品不遜敬敷五教在寬而已爾三代之學也孟子曰夏日校商曰序周日庠三代共之皆所以明人倫而已爾五品者何君臣父子夫婦長幼朋友之節也爲其不遜也舜則有教焉人倫者何君臣父子夫婦長幼朋友之節也爲其不遜也舜將何求人倫苟明矣三代之王學焉然則五品苟遜矣舜將何求人倫苟明矣三代之王亦何求而于斯知所以學而自得焉則存乎其人而已矣

雖舜與三王不得與于斯矣夫學古之道夫婦之恩與知
焉至也聖人且有所不知焉夫婦之不肖能行焉至也聖
人且有所不能焉如是焉以基之如是焉以居之而終焉
而不知所以然非一朝一夕之故也學而進斯大矣遠矣
欲知張先生之學之傳斯其本矣于收科第取青紫其未
也歟百里之地果無有人焉乎哉吾不可不以告鍾必
萬重建鹽官縣學記國朝崇尚人文詔天下郡縣立學視
三代則有光矣鹽官學舊在縣治西紹興中始徙于東偏
凡五十六年或葺或否若傳舍然良可歎也吳興沈君紱
爲縣之明年特因其舊而一新之屬予爲記以詔多士余
竊自念齒髮如許學不加進朝夕自警且不暇其何以語
夫人然自宦遊與夫往來于此餘二十年矣士之扣門者
日益衆况今求田問舍欲老于海昌之上則杖履遊從亦
有資善之義焉故不辭嗟夫自命鄉論秀之制壞而不復
士病于科舉蓋非一日而今之世爲尤甚父兄之訓子弟
朋友之相講論朝夕之相從事于文詞者唯利祿之是計
耳抑不思上之人拳拳教養所望于爾多士者果如此哉
聖賢立教所望于天下後世者果安在哉昔者吾夫子不
過栖栖一旅人耳講道洙泗固無爵祿可以動學者之心
而羣弟子或自齊往或自宋往或自衛往或自他國往不

儻其山川之遠道路之勞而所慕者甚于爵祿意者日漸月化莫非道德性命之蘊必有出于意言之表及觀耳提面命則皆孝弟忠信之實舉不離于日用之常然後知聖人之所以教人學者之所以用力蓋在此而不在彼也雖然事親從兄處已待人莫非事也而所謂道德性命之蘊有外于是乎人唯行之而不著習矣而不察終身由之而不知此所以有待于學矣學者亦無歎美乎其外而唯用力乎其內事親有不足于孝事長有不足于敬歟堂名數易沈君取舊名明倫揭之可謂知教人之本矣

元貞二年陞州學知州張珪以廟學湫隘改闢之

嘉靖

海寧縣志至大二年陳登建學倉四間至正六年知州何濛重

修廟學教授王景順構高明亭十二年教授朱鸞又修十

九年邑人賈用中又捨廩田百畝於學

萬歷舊志

明洪武二年復爲縣學

舊浙江通志

三年知縣王忠闢射圃

七年知縣朱恪大修廟學建觀德亭九年知縣黃守政建
齋舍永樂十五年知縣盧質中重修守禦正千戶楊玉助
之訓導顧孟時爲記正統三年知縣伍服重修成化成化
舊志

四年訓導戴琰請於學使劉鈺徒典賢毓秀二坊於東西

以廣學基鑿泮池跨以橋

康熙海
寧縣志

正德三年教諭朱泰拓

泮池

萬歷
舊志

嘉靖十年知縣胡堯時建啟聖祠尊經閣饌堂

四十二年知縣殷登瀛置學田四十四年知縣許天贈修

浙江
通志

萬歷初學宮圯教諭張學易重建二十七年杭州通

判張汝賢捐俸勸助飾新尊經閣

舊
志

國朝 順治十年知縣秦嘉系教諭陸熙運訓導李芳穎重修

浙江通志 康熙八年教諭金昌尹修尊經閣十五年知縣許三

禮教諭謝三聘修啟聖祠五十二年貢生陳克鑑修

聖殿六十一年署縣黃在瓚勸建明倫堂

浙江通志 乾隆五年攝縣

趙應召勸修

聖殿崇聖祠二十二年知縣金鰲重修廟學復建石坊於櫺星

門左右

海寧縣志

乾隆三十八年陞海寧縣儒學爲州儒學

冊

張安茂修海寧學記海寧古鹽官地濱東海蓋僻壤云然人文之盛甲于四方邑之隸武林者九弗能尚也乃學舍頽圯鞠草興歌觀者懲焉古郢秦若嘉系來令是邑競競興教化爲首務謀卽其故而新之請於予予首捐貲以佐秦君于是殫經營之力不閱月而告成門序殿廡堂筵齋閣庖溫庫廐咸以序爲良材堅甃之用刻斲丹雘之飾嚴嚴翼翼闕偉焜耀歸然爲海上之壯觀士皆以鼓篋其中爲樂秦君復於予予曰是不可以無記夫學所以美風

俗育賢才王政之本三代有道之長以有此具也唯周修
四代之學黨庠序厥制既詳教以有成然近在畿內學
校廢闕詩人爲刺子矜焉今攷其風至不等於曹楡而魯
僖公能修明先王之政泮宮之作詩人獨誇大其事以美
之至躋之商周頌之列嗚呼盛哉治道之隆替詎不由學
歟

今天子初定海內以學爲先不因兵革廢禮樂秦君祇奉
詔令勤宣德意

士生其間可不謂幸焉矧秦君敏於爲政威惠並舉可謂
諸生師表士其尚盡心于學哉隋王通有云言政而不及
化是天下無禮也言文而不及禮是天下無文也今爲政
者方勸學興禮以幾時化而不及禮以文應志利祿尚浮華
儒效濶踈得無負茲盛舉歟亦唯是講先王之遺文以明
其道而篤于自修以措諸天下以助興教化庶幾乎度越
兩漢而直躋三代之隆于是由一邑以風列郡使風俗興
而人材出不徒以人文之盛甲四方是予之願亦秦君典
學之意也
可不勉哉

崇聖祠

在廟後

海寧州志
下並同

明倫堂 在廟左

齋舍 一曰崇德二曰廣業在西序

尊經閣 在明倫堂後

射圃 在學北

浙江通志

名宦祠 正德十二年教諭侯泰建祀朱公綽以下十

六人

浙江通志

在明倫堂後

舊志

鄉賢祠 教諭侯泰建祀顧歡以下四十九人

浙江通志

在明

倫堂後

舊志

學正署 在尊經閣左天順間教諭趙維寰重建衙齋

舊志

訓導署 在明倫堂東北

海寧縣志

富陽縣學

唐 武德七年建

咸淳志

武德時建學在今學東景雲二年

重修廣明中燬于兵永泰元年令崔仕元重建

舊志

宋

景祐二年令陳執禮始建廟錢禴爲記紹興三年令

胡某重繪聖賢像趙師烜爲記

成化舊志

十七年令徐端輔重

建作稽古閣

淳祐志

淳熙中令縻師旦沈耜相繼重修十二

年主簿葉延年重修嘉泰中令范之柔復拓其基

成化舊志

嘉

定壬申令程秘癸未令李彌高前後治新之

咸淳志

紹熙四

年辛卯周晉出宰富春修建縣學一新釋奠祭器刻之于

石又重定釋奠儀

癸辛雜志

趙師烜新富陽縣學繪像記通天下郡邑有學以儲育英才涵養

造就爲當時用今環畿內之邑九赤縣治京兆不得輕易
議其他支邑皆號稱多士而對大廷策名科第者蓋鮮富
陽其一也紹興三年秋富陽士庀職于學以賢能之書薦
者凡兩人今年郡試于春官復聯中焉那人士駭愕相語
歎未之有獨不知揆厥所先皆吾邑大夫胡公主張斯文
一意庠序之力也于今政成矣去有口猶拳拳不忘斥府
庫錢幣凡二十萬自先聖先師十哲東西兩廡賢像成一
新之冠冕佩服之不契于法式者悉稽之古而更新焉像
壁之址伐木伐石以永厥垂丹青精明規模嚴飭師垣頃
充員爲丞亦常與諸生朋友講習今假塗以歸適繪事之
成拜手仰瞻與有榮施因書大畧於壁俾後之藏修于我
學者繼今以來功名之途肩踵相接以無負公之所望于
是邦者斯可矣事之經始師垣常尸焉後一月尉潘大昌
實旣厥緒葉延年修富陽縣學記畧縣有命令之下丞
簿尉舊皆以主管學事給衙近制雖去之而職掌如故然
人情不能無區別有由科第進者則仕此事爲宜由門蔭
者則遜避不敢問否則羣聚而議矣富春縣學規模宏大
他邑罕比歲月浸久弊陋日甚至有將頽而莫能支者延
年自雜官各有守事各有類舍簿書外何敢與聞一日諸
生有請於縣縣以見諉辭再三不獲始勉爲之每事必咨

于學長元君復而後與謝糾彈震元集正大定李司計賁同掌之初弗量力議爲一新之計今竹木瓦墁之直工役廩食之費不下百二十餘萬經營調度以給所用粟斛皆仰給于縣其他諸生有力者具成之與夫稽檢利孔滲漏取諸膳學之贏餘又得今知太平州敷文閣直學士張公子顏錢十萬以給之財物出納一以任三君之手訖事列成數揭之通衢且以上于縣而攷察焉書籍之未備器用之未具敢聽其闕以俟後之君子修學首尾凡數月歷兩邑長今姑蕪廩公師旦吳興沈公相也

元至正十年令丁良卿重修

誠意伯文集 劉基富陽縣重修文廟學宮記至正

九年永嘉洪元誠典故富陽學明年冬泰興丁君良卿受命來尹茲土廟謁之明日集諸儒於講堂命之曰學校以敷教化作興賢良必宏其規非欲以爲夸也譬之于人必正其衣冠端其容貌不如是不足以攝情慢教鄙薄矣今者毀宇雖設棟楹欲傾欄不蔽影戶不當風雀鼠穿突竝歌無聲此士氣之所以不振而教鐸之所以不鳴也吾將爲子新之何如衆喜曰諾而學田歲入鮮不足以具瓦木君遂及監縣各以其俸先之于是邑士之好義者咸願致

助明年六月百廢具舉廟有新室學有新舍教官有屬文
昌有祠垣廡廡門靡不中度奕奕如也乃以狀達于劉甚
慨爲記之夫教政之本也知本斯知政矣可無記乎按高
陽爲抗屬縣學創始于唐歷宋三百有餘年興廢莫能
悉國家混一海宇二十有八年而學圯縣尹李君質作而
新之歷十九年復圯夏君賜繼作之又十有六年而圯至
于今歷年十有二其間凡五修幸大壞不可支君既新其
廬遂返故豪民所奪江陰里田一百有六畝及望仙里田
八十畝又益以新漲田百畝有奇由是歲有恒產而學事
可無墮矣唯國家以武定九有而守以文故京有胄監郡
縣皆有學至于海隅日月之所出入罔不知尊孔子之道
皇皇刻刻照映天地亘古所未有也慎擇守令非名實素
加才德有美者不與在列學校與替居考績之一爲守令
者可不夙夜承之哉夫爲其事者必有其功華其外者必
實其中是故適豆既具禮以將之鐘鼓既備律以諧之必
有事焉非徒設也詩曰豈弟君子令德來教言必有其實
也是以率之以身教之道也人之責也典教者之所職也
今之食其食而能盡其職者天下幾人哉吾聞富春之山
嚴子所耕其高風勁節播爲元氣東都節義之士莫非其
餘波也必有能繼之者抑豈隱而未光也振而出之其在

諸君
于矣

明 洪武元年知縣楊敬徙今所

舊浙江通志

十年知縣孟斌

建戟門兩廡堂舍闢射圃三十年知縣吳蒙開泮池構廡
宇教諭蔡海作文卷庫永樂三年縣丞汪文立東西齋四
年知縣孫觀建戟門十一年知縣陶觀修建大成殿明倫
堂日新齋東西廡櫺星門宣德五年教諭林時望建廡宇
十年知縣吳堂重修大成殿教諭陳興建學門改學路修
齋舍宏治初知縣鄧淮移廟學于西嘉靖九年推官劉望
之建議重修十五年按察使僉事焦煜建尊經閣四十年
知縣謝中立修學廟隆慶六年知縣劉汝昭建文明門

萬曆

舊志 萬曆三年知縣李啟十一年知縣管九臯三十二年知

縣王僑崇正四年教諭方國儒十三年知縣何吾潛重修

舊志

龔用卿重修富陽學記富陽縣舊有學創自唐初

至安治初又稍移于西歷有年大烈以其地臨大江之濱
每洪水泛漲輒被湮沒重以風雨震臨齋廡垣墻悉就傾
圯門堂廟寢至不可支嘉靖九年杭州府推官劉君望之
見之慨然曰學校之地鞠爲蕪莽教化不興將何以秉虔
妥靈以率先多士是吾責也與教諭陳君茂謀新之申其
議于巡按御史李君信復達議于提學副使汪君文盛二
君咸曰斯吾責也于是下其議于知府婁君志德命劉君
經畫之議已定巡按御史王君繼禮繼至議亦協遂命富
陽主簿古璇督理之教諭陳君察視之知縣方君舟責成
之費公帑九百餘緡乃仍其舊址而崇之高四尺殺文廟
于前十六丈翼以兩廡樹之戟門門之左右立名宦鄉賢
二祠前鑿小池爲石梁其上又前爲櫺星石門門之前賢
民居而闢之俯臨大江立石表于江涘扁曰仰聖興賢示
敬道也下聯石級廣二丈有六長倍之有半左建儒學大
門進爲聚英之門又進爲樂育之門又進爲明倫堂堂之

左右興賢達道二齋堂之後創敬一亭亭之東有陳地闕
爲射圃亭其中曰觀德東西立號房二十楹以至庫厨庖
漏倉舍之屬各有定所繚以周垣規制大備矣越十二月
冬僉事林君雲同又議建啟聖公祠於文廟之後次年春
巡按御史張君子立適來視學以名宦鄉賢祠逼戟門左
右且制度狹小不稱崇禮復改建二祠于明倫堂右分巡
僉事焦君煜于觀德亭之前建一鑑樓于方塘之上以爲
士子適情之所示遊息之方也而綜理其事者則知縣王
君惟孝有力焉工始于十年八月而迄于十三年五月前
後四年得底成績諸君子之舉可謂有功于名教誠可書
矣詩斯干極言作室得臨水面山之勝而是學南俯會江
之濛迺北枕小隱之倚伏觀山巍峩于其東鹿山躡躡于
其西則詩人所稱之勝兼而有之靈臺之詩言文王之樂
日於論鼓鐘於樂辟雍至思齊之篇推本其德則曰肆成
人有德小子有造今是學旣成矣鼓
舞作新之化非司教者之所當講乎

國朝 康熙二年知縣朱永盛教諭方兆日修

先師廟建兩廡名宦鄉賢啟聖祠三年知縣徐啟業教諭虞士

彥建明倫堂九年知縣牛奐修葺未備二十年知縣錢晉

錫教諭趙嗣萬訓導楊思蟾重修大成殿建明倫堂

浙江通志

趙嗣萬修富陽縣儒學記畧事之有盛而無衰者宜莫如先師之宮古者庠序之說徧及黨遂况屬在大藩名郡爲赤望之邑乎富陽之有儒學始自唐武德時歷宋及明規制宏備至

今上

改元之明年僅復兩廡明倫堂啟聖宮及名宦鄉賢祠闕焉尚多今又二十年矣侯太倉錢公方下車首重學校旋命度材鳩工諏吉伐礮子廼與僚友天台楊君翰序爲同志倡先是邑紳邵君念賢序之日圯志期首事與葺而未果厥嗣鄉貢士士莊邑庠生士定善繼先事首輸百金羣情競勸于是何生玉廷高生昌運金生紫垣何生名乾吳生國鎬五人義不辭艱力肩厥任以佐予之不逮而錢侯既薨養廉之賜更益之以贖錢于是民勸于執工士樂于董成不半歲而次第底績焉興役于癸亥仲春畢工于是歲某月率計費若干繕五生司其出納于但受成登籍而已是舉也雖未足稱艱鉅然于虧成之數若有符焉藉非邑侯暨合邑薦紳敦義共襄茲役殆未可知也方今運

屬上元士風蔚興將有連茹而登者子方跋踵俟之

崇聖祠

在學後

舊志下同

明倫堂

在文廟左

齋舍

一曰依仁一曰志道在堂左右

射圃

在堂之後

教諭署

在學西宣德五年教諭林某建

訓導署

在啟聖祠左

名宦祠

在明倫堂右祀李滂以下二十六人

浙江通志下同

鄉賢祠

在明倫堂右祀嚴光以下三十一人